

## باكى مەتروسونون پارتلايشى

كسىلدى ايشىقلار، سۇندو چراغلار:  
«قاپىلار باغلانير» يوخ چىخىش يولو  
آغلاشدى قوجالار، گنجلر، اوشاقلار  
«نوبتى ستانسيا»: يانغين - اود - آلو

يئنه ياناقلاردا گۆز ياشى دوندو  
يئنه واى خبرى يايىلدى ائله  
يئنه ده ويشكاي بايقوشلار قوندو  
«دقت! اوچ يوز انسان چئوريلدى كوله

ياخيلدى قارداشيم، ياخيلدى باجيم  
قاراباغ غصهلى اوره ككلىر ياندى  
قىريلدى طاباغيم، دئوريلدى تاجيم  
عصرلر يورغونو ديلككلىر ياندى

يئنه دوداقلاردا گولوش قورودو  
يئنه ده قاسناغى سيندى قوالين  
يئنه ده باكىمى ماتم بورودو  
يئنه ياس قورولدو، «غربتى» چالين

يئنه ايرمى يانوار جانلاندى «كاميل»!  
يئتم سە گاهيندا اوفله گابويا  
گارمونون كۆرؤگون ييرت آي «آفتانديل»  
يىغيشدير دوگونو - قاريشدير طويو

ايندى سۇيله «نصرت» قىز گلىن لرى  
واغزالى اوستونده دفن ائيلهدى لىر  
ياللى لار داغىلدى، هالاي پوزولدى  
آغى سۇيلهدى لىر، غم سۇيلهدى لىر

ايشىندن قايدان يورغون فعله لىر  
ياشيل قاتارلاردا مورگو دۇيه ردى  
يوزلرله انسانين آراسىندا تىك  
اوتوروب دۇور ائدر مین كهنه دردى

سئويندى صاوونماز تورپاق لارىمدا  
گزرکن صاللاتا صاللاتا قولدور  
مسلمان بىر صوروش اوزوندن نيه  
دوستون آزدىر اما دشمنين بول دور

چاپىلدى وطنيم، تالاندى يوردوم  
بىرلشميش دوشمان لار دوروب صوصدولار  
او گون كى قورتولوش بۇساتى قوردوم  
باشىما اود - الو - كينه قوصدولار

بىر طاوشان اولنده آمريكادا  
خبرلر گۆى لىرى، يئرى چالخالار  
يشنه ندىن صوصوب بو قان قادادا  
دنيايا هاي - هشير سالان دالغالار

قانىنى شهيدلر قانىنا قاتان  
همتلى - غيرتلى قارداشيم لاي لاي  
وطن تورپاغىندا نگران ياتان  
قاراباغ حسرتلى قارداشيم لاي لاي

جان قارداش يئنه ده صاغ اولسون باشين  
داغيلسين اوستوندن چن لر - دومان لار  
كؤنلون قئيم اولسون آرخان داغ اولسون  
محو اولسون يوردوندان تورپاق اومان لار